

ERA CRASTA

Numerò 31 · Abriu 2004

Impresi sense adreça

Vielha ditz NON ath TERRORISME



Damb motiu des atemptats terroristes deth passat dia 11 de març en Madrid, es aranesi e toti aqueri qu'èren ena Val d'Aran, voleren demostrar eth sòn refús, ara violència en tot organizar diuèrses concentracions enes

pòbles dera Val d'Aran.

En Vielha i auec ua concentracion eth diuendres dia 12 tàs 19,00 or., ena Plaça dera Glèisa de Vielha ena quau i participèren pròp d'un milèr de ciutadans.

Pendent era concentracion se banduèren es campanes dera glèisa, se liegeren tres manifèsti contra eth terrorisme e dempús de qu'eth capelhan hesse ua pregària pes defuntats se sauvèren dues minutes de silenci.

Er acte compdèc damb era preséncia des membres der Ajuntament de Vielha-Mijaran, deth Conselh Generau d'Aran, des Entitats Municipaus Descentralizades, atau coma era der alcalde de Luishon e de membres deth Conselh dera Haute Garonne que se desplaçèren entara capitau aranesa entà participar en aguest aumenatge as victimas.



Per un aute costat, eth deluns dia 15 er Ajuntament de Luishon organizèc tanben un acte tanhent ad aguest ahèr, pendent eth quau se sauvèren 3 minutes de silenci. Aguest acte siguec simultanèu as convocatòries hètes en d'auti païsi europèus.

Atau madeish es Ajuntaments de Sant Gaudens e de Cauterets an eviat ar Ajuntament de Vielha-Mijaran ua carta de dò e de condemna per aguesti hèts.

Informacion d'interès

Toti es vesins deth Municipi de Vielha-Mijaran, interessadi en auer informacion sus era conexion ar hilat public de gas, atau coma es que s'i volguen conectar, pòden trucar ath telèfon dera empresa REPSOL 901 170 170.

SUMARI

1

Vielha ditz NON ath TERRORISME

Informacion d'interès

2

Urbanizacion dera Unitat d'Actuacion 5 de Vielha

Retirada e gestion de veïculs abandonadi

Autrejamet de medalhes.

Eleccions ath Parlament Europèu.

Campanha d'esquí escolar 2003-04

3

I Trobada de Natacion Val d'Aran

Fasa Nacionau d'Esquí Aupín e Finau d'Esquí de Hons

4

I Campionat de Catalonha de Curling

Celebracion dera Hèsta de Sant Pònc

Urbanizacion dera Unitat d'Actuacion 5 de Vielha

 provat pera Corporacion Municipau eth Plec de clausules administratives particulars qu'an de regir era contractacion dera òbra "Urbanizacion dera Unitat d'Actuacion 5 de Vielha", s'expaue ath public per un temps de 8 dies, entà que s'i poguen presentar es allegacions corresponentes.

Simultanèament s'anòncie era licitacion entà contractar.

Era adjudicacion serà mejançant subasta. Base imponible 473.497.27 €, IVA includit. Eth tèrme d'execucion serà de 6 mesi.

Entà mès informacion podetz adreçar-vos tara:
Secretaria der Ajuntament,
carrèr Sarriulèra, 2 Vielha.

Telefon: 973640018. Fax: 973640537.

Retirada e gestion de veïculs abandonadi

 ra incidència en entorn des veïculs dehòra d'us, e especialment des veïculs abandonadi e er impacte qu'implique eth sòn tractament sense respetar es mesures mieiaambientaus hè de besonh, d'acòrd damb er article 5.1 dera Lei 6/1993, de 15 de juliol, regulador des residus, establir es normes de besonh entara sua gestion, atau coma tàs diuèrses activitats que compòrte eth sòn tractament

Quan se considèra qu'un veïcul ei abandonat?

Se considèra qu'un veïcul ei abandonat quan se da ua d'aguestes circumstàncies:

- quan agen passat mès de dus mèsi des de qu'eth veïcul age estat plaçat dempús dera sua retirada dera via publica pera autoritat compenta. (p.e. per un mau estacionament).

- quan sigue estacionat per un periòde superior a un mes, en madeish lòc e presente desperfèctes que'n hèsquen impossible eth desplaçament pes sòns mieis o ben li manquen es plaques de matriculacion.

Considerades aguestes dues situacions, era autoritat compenta (Policia Municipau, Mossos d'Esquadra,

SEPRONA, etc) harà ua denòncia per abandonament deth veïcul, ço que darà pè a dues possibilitats:

Se non s'identifique ath titular era Entitat Locau compenta expedirà eth certificat corresponent de residu e l'ac darà a ua empresa de gestion de veïculs dehòra d'us, tath sòn despeçatge.

Se s'identifique ath titular, se li darà un plaç de 15 dies entà que lo retire e de non hè'c atau se tractarà coma residu, cau auer en compde que s'eth veïcul ei ena via publica, er Ajuntament pòt retirar-lo tath Depòsit Municipau. En cas de qu'eth propietari non retire eth veïcul en plaç mercat s'iniciarà un expedient sancionador damb era corresponenta propausta de sancion, en tot auer eth propietari dètz dies entà presentar es allegacions corresponentes.

Se passat eth plaç eth veïcul non s'a retirat, se resolverà era sancion, er Ajuntament emeterà eth corresponent certificat de Residu e entregará eth veïcul a ua empresa de gestion de veïculs dehòra d'us, en tot comunicar a Trànsit era sollicitud de baisha deth madeish.

Autrejamet de medalhes.

 ra Generalitat de Catalonha a decidit autrejar dues medalhes a títol postum a Francisco Medialdea Rodríguez, que perdec era vida eth passat dia 27 d'agost de 2003 en tot que desvolopaua es sues activitats coma pompièr, era **Medalha d'Aunor de Proteccion Civila ena categoria d'or** pes servicis excepcionaus operatius, e era **Medalha d'Aunor d'Or**, concedides coma reconeishement pera sua entrèga, dedicacion e valor ath long dera sua carrèra professionau coma pompièr.

Era Generalitat de Catalonha tanben a reconeishut coma esportista de naut nivèu ath patinaire aranés Juan Ignacio Legaz Barrionuevo, eth quau arthenec era medalha d'or en Campionat d'Espanha de patinatge artistic eth passat mes de seteme de 2003.

Eleccions ath Parlament Europèu.

 th pròpleu dia 13 de junh i auarà nauament eleccions, e aguest còp seràn entà escuèlher as nòsti representants en Parlament Europèu.

Er Ajuntament de Vielha, vò rebrembar a totes aqueres personas que per quinquèvolh motiu non figurauen enes listes electoraus o ben i èren, mès damb quauque error, que pòden passar pes dependències municipaus tà rectificar aguesti errors, de manèra qu'eth dia 13 de junh poguen anar a votar sense cap de problèma.

Campanha d'esquí escolar 2003-04

 nguan ena campanha d'esquí escolar i participèren un totau de 96 escolans deth 1èr. e 2au. cors de cicle superior, ei a dider eth 80 %, en tot remercar qu'ath torn d'ua quarantia se metien es esquís per prumèr viatge.

Toti es dimèrcles, des deth mes de gèr enquiath mes de març e pendent dues ores diàries, es escolans recebien es classes tant d'esquí aupin coma de snowboard.

Aguesta activitat supause un gran esfòrc a toti es nivèus e es responsables deth CEIP Garona, vòlen arregraïr era sua collaboracion a: Ajuntament de Vielha Mijaran, Conselh Generau d'Aran, Baquèira Beret, Era Escòla, Bodysport, Copos, Cauba, e a fòrça d'auto particulars e a toti es professors der estudi que hèn possible amiar entà dauant aguesta activitat.

Coma finau d'aguesta activitat, eth dia 24 de març se celebrèc era Corsa, ena quau s'artenheren es resultats que seguissen:

Nivèu A (mainatges)

1èr Adrian González
2au Jonathan Casal
3au Adrian Peco

Nivèu A (mainades)

1èr Verónica Rodríguez
2au Esther Girona
3au Sheila Rodríguez

Nivèu E (mainatges)

1èr Luis Gómez-Moran
2au Laurenç Nart
3au Ibon Cereza

Nivèu E (mainades)

1èr Maria Martínez
2au Julia García
3au Alejandra Escuin

Nivèu B (mainatges)

1èr José Luis Rodríguez
2au Cesar Criado
3au Iago Lema

Nivèu B (mainades)

1èr Maria Barbeitos
2au Beatriz Ariño
3au Natalia Conde

Nivèu C (mainatges)

1èr Pol Lozano
2au Jaume Rella
3au David Alfaro

Nivèu C (mainades)

1èr Lara Baques
2au Anna Cardona
3au Lourdes Llloch

Nivèu D (mainatges)

1èr Carlos Domínguez
2au Alvaro Ordóñez
3au Joaquín Piris

Nivèu D (mainades)

1èr Marta Faure
2au Sonia Faure
3au Andrea Maurelos



I Trobada de Natacion Val d'Aran



Eth dia 18 de abriu se celebrà ena piscina deth Palai de Gèu de Vielha era "I TROBADA DE NATACION VAL D'ARAN", competicion organizada peth Conselh Esportiu dera Val d'Aran damb era collaboracion deth Palai de Gèu de Vielha e eth supòrt der Ajuntament de Vielha-Mijaran e deth Conselh Generau d'Aran, atau coma damb eth patrocini d' **AIR LIQUIDE** tant en aguesta activitat coma en totes es organizades per aguest club.

Aguesta competicion compdarà damb uns 80 participants des categories benjamin, alevin, infantil e cadet, tant masculins coma femenins, procedenti de tota Catalonha. Entàs participants aranesi, aguest pròva serà classificatòria entàra fasa territoriau de natacion que se celebrà eth dia 25 d'abriu ena piscina der Estudi Episcopal de Lhèida.

Fasa Nacionau d'Esqui Aupín e Finau d'Esquí de Hons

Per un aute costat, eth dia 21 de març se celebrè en Portainé era Fasa Nacionau d'Esquí Aupín enes categories benjamin, alevin e infantil masculin e femenin, ena quau i participèren 50 esquiaires, en tot arténher es participants

aranesi plan boni resultats laguens de cadua des categories:

Alex Tella	- 1èr classificat infantil masculin.
Oscar Maurelos	- 1èr classificat benjamin masculin.
Manuel Gómez	- 3au. classificat benjamin masculin.
Lara Baqués	- 3au. classificada alevin femenina
Ivan Bollo	- 3au. classificat alevin masculin

Coma nauetat cau remarcar qu'eth madeish dia 21 de març se celebrè per primèr còp era Finau d'Esquí de Hons ena estacion d'esquí de Lles, ena quau i participèren 5 corredors deth Conselh Esportiu dera Val d'Aran en tot arténher Laura Rodríguez era medalha d'argent ena categoria alevin femenina, e ena categoria de relèus, er equip format per J.R. Rodríguez, Oriol Llarden e Nil Llarden artenheren tanben era medalha d'argent, tot e que Nil Llarden tanben quedèc 4au classificat ena categoria de benjamin masculin.



Foto Conselh Esportiu dera Val d'Aran

I Campionat de Catalonha de Curling - IIau Bonspiel de Vielha

Des de hè quauque temps, eth Palai de Gèu de Vielha aufris era possibilitat de practicar un nau espòrt de gèu, eth curling.

Tot e qu'entà nosati ei ua nauetat, aguest ei un espòrt fòrça antic e es prumèrs registres se pòden trapar en an 1560, mès ei en an 1818 quan en Escòcia se fonde eth prumèr club de curling. En Espanha siguec en an 1999 quan aguest espòrt entrèc a formar part coma seccion dera Federacion Catalana d'Espòrts d'Iuèrn.

Es dies 26,27 e 28 de març se celebrèren en Palai de Gèu de Vielha, eth I Campionat de Catalonha de Curling que compdèc damb era participacion de 14 equips masculins, tres de femenins e un mixte, procedenti de diuèrsi lòcs de Catalonha e dera rèsta der Estat espanhòu, entre aguesti equips n'i auc dus d'aranesi: Eth Club d'Esquí Val d'Aran e eth Club Aranès d'Espòrts d'Iuèrn.

Es partits aueren lòc ath long de tota era dimenjada e cau remarcar es plan boni resultants arthenhudi pes dus equips aranesi.

IIau BONSPIEL DE VIELHA

- 1èr.- Jagers Madrid
- 2au.- Acura (And)
- 3au.- Sporting l'Olla masc.
- 4au.- Mixte
- 5au.- CAEI (Vielha)
- 6au.- Barcelona (Calatayud)
- 7au.- CEVA (Vielha)
- 8au.- Puigcerdà (Planella)
- 9au.- Sporting l'Olla fem.
- 10au.- Barcelona (Victor)
- 11au.- Igualada
- 12au.- Puigcerdà (Armengol)
- 13au.- Iparpolo masc.
- 14au.- León
- 15au.- Encamp (And)
- 16au.- Jaca
- 17au.- Puigcerdà fem.
- 18au.- Iparpolo fem.

Ièr CAMPIONAT DE CATALONHA

- 1èr.- Sporting l'Olla masc.
- 2au.- CAEI Vielha
- 3au.- Barcelona (Calatayud)
- 4au.- CEVA (Vielha)
- 5au.- Puigcerdà (Planella)
- 6au.- Sporting l'Olla fem.
- 7au.- Barcelona (Victor)
- 8au.- Igualada
- 9au.- Puigcerdà (Armengol)
- 10au.- Puigcerdà fem.

CURLING

1 èr. CAMPIONAT DUBÈRT DE CATALONHA

VAL D'ARAN

VIELHA

26, 27, e 28 de març 2004

Palai de gèu



CEVA VIELHA PALAI DE GÈU Santander Central Hispano Conselh Generau d'Aran Ajuntament Vielha-Mijaran

Celebracion dera Hèsta de Sant Pònc

Eth dimars dia 11 de mai, se celebrarà coma dejà ei tradicionau, era Hèsta de Sant Pònc, damb un CONCORDS DE PASTISSI E LICORS.

Aurà lòc ena Sala d'Actes der Ajuntament de Vielha-Mijaran a compdar des 17.00 or, e se premiarà : eth pastís mès bon e eth mès originau, eth melhor licor, era melhor confetura e es melhors crespèths o coquilhons.

Cau rebrembar qu'es productes que se presenten auràn d'èster d'elaboracion pròpria, e qu'ara fin deth concors poderam desgustar-les entre toti es assistents e participants.

Er acte condarà damb era collaboracion dera Associacion Codinèrs d'Aran qu'aufriràn ua demostracion de codina.



D.L.: L-222-01

NÒTA: Se vòs participar en ERA CRASTA, ac pòs her en tot envià-mos era tua collaboracion ja siguec per corrèu ara adreça
AJUNTAMENT DE VIELHA c/ Sarriulèra 2, 25530 VIELHA, ben per Fax ath numerò
973 64 05 37 o ben per corrèu electronic, e-mail: ayuvielha@aranweb.com